

# A MARIQUIÑA PUGA

Despedida

Como ti vas pra lonxe  
i eu vou pra vello,  
un adiós, Mariquiña,  
mandarcho quero,  
que a morte é o diaño  
i anda rondando as tellas  
do meu tellado.

Cando deixes as costas  
da nosa terra  
nin lus nin poesía  
quedará nela.  
Cando te vaias  
vaise contigo o ánxel  
da miña garda.

Pombiña mensaxeira  
de branca pruma,  
fálalle ós emigrados  
da patria súa.  
Dilles, mimosa,  
que deles apartada  
Galicia chora.

Dilles que prós seus lares  
tornen axiña;  
que sin eles non queren  
pintar as viñas,  
regar os regos,  
madurar as castañas  
nos castiñeiros.

Dilles que non hai terra  
millor que a nosa,  
máis ridentes paisaxes,  
máis frescas sombras,  
máis puros ceos,  
nin lúa máis lucente  
no firmamento.

Dilles que súas obrigas  
eiquí os esperan,  
¡e se onde elas non morren  
que se condenan!...  
I agora voa,  
pombiña, e que te guíe

Nosa-Señora.